

Uunga siunnersuut: Inatsisartut Ernialersuinnermut inatsisip aamma taarsiisussaataitanermit inatsisip Kalaallit Nunaannut aaqqiissutikkut allangortinnissaata atuutilernissaa Namminersorlutik Oqartussat oqaaseqaataat pillugu Inatsisartut aalajangiiffigisassa

Akissutitut allakkiaq

(Inuussutissarsiornermit Suliffeqarnermullu Naalakkersuisoq)

Aappassaanneerera

Inatsisartut Ernialersuinnermut inatsisip aamma taarsiisussaataitanermit inatsisip Kalaallit Nunaannut aaqqiissutikkut allangortinnissaata atuutilernissaa Namminersorlutik Oqartussat oqaaseqaataa pillugu Inatsisartut aalajangiiffigisassaannut siunnersuummik Inuussutissarsiornermit Ataatsimiititaliaq akuersaarluni suliarnissimaneranut Naalakkersuisut qutsavigaat.

Naalakkersuisut isumamaqatigivaat, ataatsimiititaliap pisortatut oqartussaasut suliffeqarfiillu taassuma ataaniittut ernialersuinnermut inatsimmut aamma tunngasut ilaatigut inatsimmi matumani pineqartarmata, pisortat suliffeqarfiillu taakkua ataaniittut arlaatigut niuernikkut tunngasutigut ingerlataqartillugit; pisisartut imaluunniit nioqqutissanik tuniniaasutut sullissisutulluunniit, tassunga ilanngullugit innaallagissamik, gassimik kiassarnermillu pilersuinnermut attuumassuteqartuni ingerlataqarsimagaanni. Oqartussaasulli pisortatut inatsiseqartitsinermi inissisimaffii, soorlu akileraartarnermut akitsuusiisarnermullu tapiutissanut akileeqqusinerne, pisortanit ikiorsiissutinik utertitsisussaataitanerme, ineqarnermut tapiissutinut tunngatillugu utertitseqqusinerme, kiisalu meeqqerivinnut akileraanerit ernialersuinnermut, tamakku inatsisip aalajangersagaannut ilaatinneqanngillat.

Inuussutissarsiornermit Suliffeqarnermullu Naalakkersuisoqarfik ernialersuinnermut inatsimmik nalilersuinnerminut tunngatillugu, Akileraartarnermut Aqutsisoqarfimmu paasiniaasimavoq taakkua allanguinissamut isumaat pissarsiariumallugu.

Ernialersuinnermut inatsisip allangortinnerata pisortanut akiligassaqalernermit imaluunniit akilersuinnermut killeqartunik sunniuteqassasutut naatsorsuutigineqassasoq Akileraartarnermut Aqutsisoqarfiup naliliiffigaa, pisortat sullissiviinik, innuttaasunik niuerfeqartunut, soorlu Nukissiorfittut ittunut naleqqiullugit allanguutit taamaallaat pingaaruteqartussatut isigigamikkit. Pisortat sullissiviinut tunngatillugu, soorlu Nukissiorfittut ittunut akiliisoqanngippat pilersuinnerminnik kipisitsinissaminut periarfissaqarput. Taamaalilluni tamatumuuna akiligassaqalertiartarnermut tunngatillugu ernialersuinnermut inatsimmik allanguinerup malunniuteqangaarsinnaanissaa naatsorsuutigineqanngilaq. Akileeqqusissutit annertussusissaannut killeqartitsineq pisortat niueqatigiiffeqartut maannakkut siunnersuutaasunut 100 kr.-nut naleqqiullugu, ikinnerusunik akileeqqusinnermut akitsuuteqartitsisut, akitsuutit 100 kr.-nut qaffassinnaalissavaat.

Tamatuma saniatigut maleruagassat pineqartumut attuumassuteqartut ataatsimut allatorneqarniartut Naalakkersuisut ilisimatitsissutigisinnaavaat. Paasisutissiissut taanna Namminersorlutik Oqartussat kiisalu Kalaallit Nunaanni Atuisartunut Siunnersuisoqatigiit nittartagaanni kikkunnulluunniit takuneqarsinnaanngorlugu saqqummersinneqassaaq.

Naalakkersuisutaaq iluarisimaarlugu maluginiarsimavaat, ataatsimiititaliap matuminnga suliarinninnermini isumaqatigiillutik siunnersuut akuerisassanngortissimammassuk.

Taamatut oqaaseqarlunga Naalakkersuisut sinnerlugit Inatsisartut Erniaalersuinermit inatsisip aamma taarsiisussaaitaanermit inatsisip Kalaallit Nunaannut aaqqiissutikkut allanngortinnissaata atuutilernissaa Namminersorlutik Oqartussat oqaaseqaataa pillugu Inatsisartut aalajangiiffigisassaannut siunnersuut inassutigissavara.